

雲南通志



雲南通志



雲南通志

全二十六冊

清
鄂爾泰等修
靖道謨纂

江蘇廣陵古籍刻印社出版
揚州古籍書店發行

一九八八年四月出版

定價 三百一十元

五言排律

唐

詔放雲南弟子還國

鄭洪業

德被陪臣子仁垂聖主恩
雕題舞鳳闕丹服出金門
有澤沾殊俗無征及獫狁
銅梁分漢土玉壘駕鸞軒
瘴嶺蠶叢盛巴江越巂垠
萬方同感化豈獨日南藩
元

碧雞山

宣慰使張雄飛臨沂

北闕辭丹鳳南雲看碧雞
紫苔移玉座瑤草濕金泥
雨霽龍歸洞風生虎渡溪
尋梅穿竹徑採藥躡松梯
白日依山

盡青山入海低寄書無雁過擇木有猿啼花映高低樹園
分遠近畦飛星馳寶馬沉水吐銀猊魚戲蓮房北鷗鳴荻
渚西長歌漢頌罷刻石紀新題

明

石屏道中

僉事

歐陽旦

安福

地瘴天愈熱風開日乍晴青山迎去馬綠樹引行旌畎畝
苗初長陂塘水欲平花因成子落鳥爲戀雛鳴遠近田家
舍參差野戍營牧童偷李實山女賣松明載米人趨市傳
餐婦餉耕土夷頻問種野草亦詢名紫石函端硯香茶勝
雪坑偶然得心趣石隙一泉清

遊石寶山

楊慎見前

迴澗數峯合叢篁一徑斜翠氛林蔭日斑瀟碧橫霞石棧
重懸閣雲亭半蔽花蕙傾警燕雀窟迴錯龍蛇昏曉更天
界陽陰竄物華檀施象數著幻巧鬼工奢千尺罽羅幕雙
堆擁玉鬢廚人羹綠笋溪客飯胡麻單袂春身健空山雨
後譁諸天人不到來往白雲車

遊崇聖寺

塵劫非人境烟霞是佛都山開銀色界海湧玉浮圖追蠡
形猶壯伽藍跡已無經函飄粉蠹畫壁剝天吳零雨頽牆
草驚風廢井梧禪心隨夜寂旅望對秋孤遠目窮千里傾

懷倒百壺狂歌意無極感此歲云徂

九鼎寺

路遶羊腸轉雲從馬首開半崖交草樹絕壁倚樓臺碧澗
聞幽玉丹邱問劫灰佛緣甘苦寂僧行厭喧厖野鹿銜花
過山禽薦果來獨耽塵外趣人世莫相猜

蒼洱紀行十八韻

提學方沆

莆田

褰帷望不極載橐復西征衆壑陰晴異長洲草木平人稀
餘燕雀野曠絕鼃鼃未遂初衣賦空懸攬轡情烽烟無夜
吠禾黍殷秋聲驄馭行看遍雞峯舊有名捫蘿神霧合支
策洞雲迎逸興王猷得高才季重并

時王虞卿吳原
豫二憲使同遊

披襟

靈鷲嶺息駕葉榆城杞菊寒生態松筠晚結盟俄驚霜鬢
短翻訝一陽萌映帙迴斜照移樽對落英西南滇萬里禮
樂魯諸生搖筆風堪變羈心歲屢更鄉書鴻渺渺交詒鳥
嚶嚶步履孤亭爽焚香百願清泉流來枕簟山色到檐櫺
更憶高陽伴歸歟采杜蘅

溫泉

謝肇淛

見前

靈砂蒸地脈暘谷沸成湯孤館雙巖削寒塘半畝方優曇
非有種苴蔻自生香砌玉迎苔碧騰烟射日黃醉應眠水
底閒可泛溪旁纓以無塵淨心從不垢涼滑增紅膩玉色
沁綠沉槍秋水含朱女清風傳粉郎難投夏浦佩且宿贊

公房回首當城下凄然憶故鄉

茶花百咏

鄧漢

見前

滇茶甲海內種類之繁至七十有二其在省城內外
者尤佳予以庚戌歲按部事竣駐省候代時值冬末
春初此花蓋開名園精舍閒獲寓日燦日蒸霞摛文
布繡火齊四照雲錦成帷信天壤之奇觀品物之鉅
麗也昔人謂此花有七絕予以爲未盡厥美有十德
焉色之豔而不妖一也樹之壽有經二三百老者猶
如新植二也枝幹高竦有四五丈者大可合抱三也
膚文蒼潤黯若古雲氣蹲踞四也枝條黝斜狀似塵
尾龍形可愛五也播根獸攫輪囷離奇可屏可枕六
也豐葉如幄森沉蒙茂七也性耐霜雪四時常青有
松柏操八也次第開放近二月始謝每朵自開至落
可歷旬餘九也所入瓶中水養十餘日不變半吐者
亦能開十也此皆他花所不能全者因考唐人以前
此花獨不經題咏以僻遠故不通中土遂使奇姿豔
質淪落無聞近代有作率多不能爲此花傳神暇日
因戲爲百咏詩一百牽綴比擬未免兒態庶幾爲此

花吐氣傳之四方或有採焉

徧檢古人句山茶未得名形容應有待品價似難輕此地
本炎德在大疑火精芳菲迎暮歲爛熳及元正宜壽如山

木

莊子
篇名

經霜似女貞柔條牽百丈老幹倚孤撐芙蓉團松

蘆新粧怒竹萌重葩翻蔽葉岐蒂總依莖接植人工巧

土人

植茶法用兩樹
相接花始繁盛

開先品物亭光華分若木肌理細殷樗壘

萼曾承露豐苞獨嚮明叢深疑避蝶春淺未聞鶯次第開

偏久交紛壓恐傾巨於瑤碧醖圓若紫繁纓敦綬交垂綵

綃紈乍染頰紅膚時綻甲赤色合居庚按譜遺金谷邀歡

卽錦棚流雲相照映射日更光晶篴啓紅羅纈餐分紫石

瑛摘鬚嫌斷線接蕊愛連瓔覽德冠稱鳳能言喙屬鸚火
齊銜粉壁舍利到金罍道士霞爲帔佳兒錦作綳枝枝經
纂組朵朵薦璣琤漢苑裁何得隋宮翦不成深宜藏翡翠
艷欲惱鵲鵲摯虞鵲鵲賦見水則喜睹火則憂步障褰華薄氍毹展絳英

影懸金較帶汗落錦斑駢似燄噓丹竈爲霞燒赤城深元
同燕燕點血類猩猩繡羽懸雕籠朱輝發短檠霜林搖翠
葆海日浴金鉦錦水徐鄰浪商雲不作翼紅毬分綵索朱
蒂開葱珩柳絮空傷媚芝房詎足正稱名根野薺奪色妬
山櫻蓮或羞泥汗葵空向日誠珠離酒泉柰蜜剖楚江萍
質本堅蒲柳香無取杜蘅道旁徒樹李庭院枉栽荆乍可

蘭爲友誰言棣是兄續紛異紅藥憔悴惜朱嬴菊名逾月遲

莫落終朝惜薜榮

古詩薜榮不終朝

詎稱霜挺桂

天台山賦八桂森挺以凌霜

何事雨移橙

用杜詩

嘉種雖分部茲花合主盟杜鵑殊不類

二芳記以杜鵑花配山茶

鵑鵑敢先鳴的皪披林影菲微散曉晴後彫

仍早放霧繞更烟縈閩婢空慚賤

金鳳花

楊妃別有情別種有楊

妃山茶

寶珠光自溢磬口韻猶清枝愛垂絲軟心憐捲瓣生

蝶翎看墜粉鶴頂似含瓊

茶品之貴者有寶珠磬口軟枝分心捲瓣蝶翅粉鶴頂紅諸名

一種皆稱美羣芳孰與爭嬌姿長似寤姱質更如儻露下

啼粧泣風前舞態呈施朱嫌太赤頰玉未辭醒倏似顰容

斂遙當笑靨迎口脂香澤傳眉黛遠山橫合德偕宜主娥

皇儷女嬃令人疲應接有客更屏營倚處慚形穢看時恐

目盲

道德經五色令人目盲

每當春澹蕩及此歲崢嶸節候佳南詔

繁華匹上京深紅閒淺紫布谷復彌阡旭景宜蘭若霞鋪

駭楚傖紛敷彌繡野徙植近雕甍竊慮霜威入思將夏屋

幘窺垣恆寂寂隔水更盈盈早沐緋衣賜偏宜素腕擎助

嬌斜寶髻充耳當瓊瑩賞玩須歌伎吹噓借墨卿招搖多

伴侶感愴易發惻天女貪分供園丁差價贏

每歲元日市賣此花供佛

紅紫溢目

出門逢巨麗曳杖陟嶢嶢婀娜隨烏帽飄飄墮兜觥

杯盤狼藉列車馬往來偵曉駐浮雲蓋宵移玉柱箏佳人

理釵釧貴客駐干旌競作尋花使寧辭醉酒鐃夷謳徵穆

護曲調擬清平舞袖淹同坐纏頭費從伶攀畱思遠道折
贈付來伴不遇神農錄空畱姚魏聲紅顏銷瘴癘珍品失
寰瀛安得移中土猶堪慰此行熨童應見慣楚客易心驚
幾樹臨宮舍三年慰旅程有時還獨倚竟日但空瞪盛極
憂甚至憐深與恨并物華虛冉冉此意自怍怍坐撫琴三
弄閒消酒一盛眠須攜枕簟狂或繞簷楹相賞無知己餘
酣對老兵何心思北土有賦侈南征感處人千里吟當月
五更未須怨搖落終許伴幽貞暗覺鄉園近深嗟世網嬰
嵇含狀草木桂海志虞衡逸史奇應續新詩暇自賡屬辭
深比興從此定佳評

叮嚀山

鄧原岳

見前

灌木千章合巖花三月深泉聲盤嶺急雲氣結林陰駐輶
方危磴褰帷復遠岑嵐光添秀色靈籟發清音不盡按羅
興其如汗漫心計程無百里問徑有千尋臃腫圍奇樹輟
輶語怪禽未須愁瘴癘頗已愜登臨西塞狼烟定南天雁
羽沉嘯歌還不廢聊此散煩襟

七言排律

明

平彝老人

副使

何景明

汝南

平彝老人髮兩肩哀哀訴語淚如泉歲收斗粟輸田賦日

向諸鄰乞米錢風雨饑寒趨路側子孫流落避兵年青春
有伴難還土白首無家尚戍邊官裏征徭何日已軍中苦
樂古來偏魂驚戰鼓心猶怯背中飛弧肉盡穿獨去負戈
尋夜砦誰來銷甲種春田敢愁溝壑填衰謝只擬封疆息
燧烟我願麾前法唐將籌邊有策到今傳

春集天臺寺何大叅賓巖適至

李元陽

見前

暖律初交霜雪微春光湖色雨依依明帆幾點碧波淨弱
柳十條綠草肥羅綺風輕嬌麗日鞦韆影轉逗斜暉當年
修禊追同好分日遨遊願不違古壁丹青窺澗戶春坡車
馬競山扉九徵蝕柱標唐蹟諸葛荒臺帶漢威檀界輕烟

香細細溪橋小雨白霏霏詞臣節自蓬山下王母鸞從玉
遂飛但見景光前度似卻嗟筋力近來非芳時郊野烟花
簇盛代山河錦繡圍不有君恩許疎放豈堪消受芰荷衣
本朝

摩蒼山次韻

舉人 徐崇岳 保山

十里烟巒紫翠蒙攜來清夢許君同石能生月寒如雪松
欲拏空韻在風鐘歇定僧眠正穩茶香半偈聽初終王郎
砍地猶酣酒安道逢人已碎桐蹈海幾年空憤世盟山此
語實由衷佳人化石情何極處士妻梅事可通三笑好添
溪水上一筇先指洞雲中不須更問藏書處家住摩蒼東